



АКАФИСТ

СВЯТОЙ БЛАЖЕННОЙ

МАТРОНЕ
МОСКОВСКОЙ



Сборник

Акафист святой блаженной
Матроне Московской

«Сибирская Благовонница»

2014

УДК 243
ББК 86.372

Сборник

Акафист святой блаженной Матроне Московской / Сборник —
«Сибирская Благовонница», 2014

ISBN 978-5-457-94932-4

Помощь Матронушки людям всегда была бескорыстной, она ни с кого ничего не брала. Молитвы Матронушка читала всегда громко. Знавшие ее близко говорят о том, что молитвы эти были известные, читаемые в храме и дома: «Отче наш», «Да воскреснет Бог», девяностый псалом, «Господи Вседержителю, Боже сил и всякия плоти» (из утренних молитв). Она подчеркивала, что помогает не сама, а Бог по ее молитвам: «Что, Матронушка – Бог, что ли? Бог помогает!»

УДК 243
ББК 86.372

ISBN 978-5-457-94932-4

© Сборник, 2014
© Сибирская Благовонница, 2014

Акафист святой блаженной Матроне Московской



*Рекомендовано к публикации Издательским Советом Русской Православной Церкви
ИС 13-305-0399*



Кондак 1

Избранная Духом Божиим от пелен младенческих, блаженная старице Матроно, слепоту и немощь телесную ко очищению духовному от Бога приившая, даром прозрения и чудес обогатилася еси и венцем нетленным от Господа украсилася еси. Сего ради и мы благодарне венец похвальный приносим ти, вопиюще:

Радуйся, праведная мати Матроно, теплая о нас к Богу молитвеннице.

Икос 1

Ангел во плоти явилася еси на земли, Матроно блаженная, исполняющи волю Божию. Аще рождество твое в слепоте те лесней бысть, но Господь, умудряяй слепцы и любяй праведныя, просвети духовней очи твои, да послужиши людем и дела Божии явятся чрез тебе.

Мы же с любовью вопием ти таковая:

Радуйся, от младенчества Богом избранная; радуйся, благодатию Духа Святаго от пелен осененная.

Радуйся, даром чудес измлада обогащенная; радуйся, премудростию от Бога свыше исполненная.

Радуйся, мысленными очима волю Божию прозирающая; радуйся слепотствующим умом мудрецов века сего посрамляющая.

Радуйся, души за блуждшия к Богу приводящая; радуйся, скорби и печали утешающая.

Радуйся, праведная мати Матроно, теплая о нас к Богу молитвеннице.

Кондак 2

Видяще людие и иереи, егда крещаше тя, блаженная, чудный столп облачный над главою твоею и обонявше благоухание велие, дивляхуся, что убосия отроковица будет, поюще Богу: Аллилуия.

Икос 2

Разум име я просвещенный, иерей Божий Василий позна, яко крещаемая от него сосуд благодати Божия есть, и ты, праведная Матроно, отроковицу святу нарече. От нашего же усердия приносим ти похвалы сия:

Радуйся, во святей купели благодатию Святаго Духа облагодуханная; радуйся, на персех твоих крест запечатленный имевшая.

Радуйся, молитвеннице, от Бога людем дарованная; радуйся, свеще неугасимая, пред Господом сияющая.

Радуйся, даром чудо творения от Бога прославленная на земли; радуйся, венцем неувядаемым от Господа увенчанная на Небеси.

Радуйся, милости Божия грешным возвещающая; радуйся, от источника воды живыя жаждущия напояющая.

Радуйся, праведная мати Матроно, теплая о нас к Богу молитвеннице.

Кондак 3

Си́лу Бо́жия благода́ти о́щуща́ющи, е́щё во младе́нчестве су́щи, Матро́но блаже́нная, ко ико́нам святы́м устремля́лася еси́, и чи́стым се́рдцем и младе́нческими усты́ хвалу́ Бо́гу возглаша́ла еси́: Аллилуия.

Икос 3

Иму́щи от Бо́га дар прозре́ния изде́тска, блаже́нная ма́ти, сокрове́нная се́рдце́ приходя́щих к тебе́ веду́щи, и о́ным бу́дущая, я́ко настоя́щая сказа́ющи, мно́гия лю́ди на путь благоче́стия направля́ла еси́. Темже прославля́юще Бо́га, умудря́ющего слепцы́, вопие́м ти си́це:

Ра́дуйся, дивная провиди́це; ра́дуйся, сокрове́нных грехо́в обличи́тельнице.

Ра́дуйся, помраче́нных душо́ю пресве́тлая наста́внице; ра́дуйся, заблуждших ми́лостивая путево́дительнице.

Ра́дуйся, звездо́, ве́рным путь указа́ющая; ра́дуйся, свеще́, во тьме ве́ка сего́ светя́щая.

Ра́дуйся, Еди́ному Бо́гу послужи́вшая; ра́дуйся, ко́зни диа́вольския благода́тию Ду́ха Свята́го попра́вшая.

Ра́дуйся, пра́ведная ма́ти Матро́но, те́плая о нас к Бо́гу моли́твеннице.

Кондак 4

Бу́ря недоуме́ния и смяте́ния о чуде́сех твои́х в лю́дех разве́яся, ма́ти блаже́нная, и ти́и, вразуми́вшу их Го́споду, дивно́му во святы́х Свои́х, прослави́ша и восхвали́ша тя, Бо́гу же с благодарением воспе́ша: Аллилуия.

Икос 4

Слы́шавше лю́дие, ма́ти Матро́но, я́ко по́мощь в неду́зех душе́вных и теле́сных пода́еши, прихожда́ху к тебе́ со упова́нием, и, совет благоприя́тен и исцеле́ние получи́вше, благодаря́ще Бо́га, воспева́ху тебе́:

Ра́дуйся, я́ко боле́знующих и стра́ждущих душо́ю прие́млеши; ра́дуйся, я́ко мир душам скорбя́щим даруеши.

Ра́дуйся, в заблужде́ни их су́щих вразуми́тельнице; ра́дуйся, благоче́стия учи́тельнице.

Ра́дуйся, печале́й наших утоли́тельнице; ра́дуйся, в скорбех уте́шительнице.

Ра́дуйся, благая́ без сре́бренице; ра́дуйся, неду́гов вся́че ских безме́здная врачевате́льнице.

Ра́дуйся, пра́ведная ма́ти Матро́но, те́плая о нас к Бо́гу моли́твеннице.

Кондак 5

Боготе́чная звезда́ возсия́ла еси́, ма́ти блаже́нная Матро́но, во дни лихоле́тия во Оте́чествии на́шем, я́ко но́вая испове́дница, и́го Христо́во дерзнове́нно и безбоя́зненно чрез все жити́е пронесла́ еси́, и благода́тию Бо́жиею укрепля́ема, подава́ла еси́ не до умева́ющим вразумле́ние, стра́ждущим осла́бу, больны́м исцеле́ние, благодарственнo зову́щим Бо́гу: Аллилуия.

Икос 5

Видевше мнози Россійстии людіе чудеса и исцеления, Божіею благодатию от тебе подаваемая: хромым – хождение, разслабленным и на одре лежащим – исцеление, беснующимся – духов злобы отгнание, устремившася к тебе, матери, яко к источнику не исчерпаемому, от негоже испивше обильно, умиленным сердцем возопиша тебе таковая:

Радуйся, на путь правый от младенчества призванная; радуйся, праведнице, от Бога нам дарованная.

Радуйся, целительнице, недуги наша исцеляющая; радуйся, в нуждах наших скоро помогающая.

Радуйся, душеполезными советы нас вразумляющая; радуйся, недоумения наша скоро разрешающая.

Радуйся, духи нечистыя от человек отгоняющая; радуйся, от всякаго зла молитвою твоею ограждающая.

Радуйся, праведная матери Матроно, теплая о нас к Богу молитвеннице.

Кондак 6

Провозвестник святости и праведности жития твоего, блаженная матери, явися святой и праведный отец Иоанн Кронштадтский, егда узреть во храме и наименовать свою преемницу таже и осмый столп России. Все же, слышавше сие, прославиша Господа, возглашаяще Ему песнь: Аллилуия.

Икос 6

Воссия молитвами твоими, матери Матроно, свет благодати Божия в сердцах, не ведущих Бога и грехми многими прогневляющих Его. Тии же, видяще чудеса, тобою совершаемая, обращахуся ко Господу, ублажаяще тя сие:

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.